

платина срѣднѣа отъ где рыла истичеть, на злану .
та на лѣпшоръ, тако и сѣрѣкомъ илииномъ до где
се срыломъ състаетъ . и отъ лѣпшора, на кома-
ревскыи *врѣхъ* . та на камень врѣхъ та на царевъ
врѣхъ . та на шипочень, на метохъ монастырскы,
и о деснѣя странѣ града *стоба*, въ рылѣ . и низ-
рылѣ, въ струмѣ . и възструмѣ, до германщицѣ .
и възгерманщицѣ, до Блѣгарина . и възблѣгарина,
та на *песѣи прѣскокъ* . и на агуповы *клѣти* . и на
шаакъ . и на рыбное езеро . и на препуковицѣ .
та на обрьшь рылу пакы . и надъ тѣмъ въсѣмъ да
имать власть неотемнѣя, тои пустынижитель, Іо-
аннъ рымскыи . явленіемъ таковаго златопечатлѣн-
наго слова царствами . И ещежь къ симъ . и где
же се находятъ селища . или сѣнокосы . или *жрѣ-*
нькы . или мѣста жрѣчана . или *ловища* . или ви-
ногради . или нивы . или стаси каковы либо, иже
сѣтъ тѣхъ селищъ, и тѣхъ людѣи, и деже се на-
ходятъ подъ областію того монастырѣ царства ми .
надъ въсѣмъ тѣмъ да имать власть неотемнѣа тои
монастырь царства ми святыи Іоаннъ и прашаетъ
и освобождаетъ царствоми люди въсе . и села въсѣ,
того монастырѣ царства ми, чистіимъ и свѣтлымъ
прощеніемъ . да имъ не смѣять *забавляти*, иже
сѣтъ *сѣвасты* и *прахтори* . и *примикюри* . и ала-
гатори . ни *сѣдѣе* . потомъ ни *перпираке* . ни жита-
ре . ни винаре . ни *десеткаре* пчелніи . и свинніи .
и овчїи . ни *аподохатори* . ниси . ни *стратори* . ни
сѣнаре . ни *митаты* . ни *краугаряже* . ни *песѣацы* .
ни *градаре* . ни *варьничіе* . и *побирьчіе* . и *наход-*